

DEO OPTIMO MAX.

QUÆSTIO MEDICO-CHIRURGICA,

QUOD LIBETARIIS DISPUTATIONIBUS

manè discutienda in Scholis Medicorum, die Martis quintâ mensis
Martis, anno Domini M. DCC. LXXXII.

M. SIMONE VACHER, Regis Exercituum in insulâ Corsica
Medico Primario, Doctore Medico, Præside *.

An magni Abscessus Ferro, non Cauteriis, aperiendi?

I.

QUISQUIS est Febri vel inflammationi succedens Tumor criticus, mollis, circumscriptus. Abscessus vocatur. Hoc factò veluti Gemonio expellit Natura furens, quidquid luxuriatur sanguini noxium; hùc Commitigatæ, Coctæ, & quasi Concrematæ vasorum impetu, detruduntur quotquot sunt casu vel morbo dissociatæ, fractæ, adulteratæ corporis partes; adeoque jam dissolutâ humorum primordialium commixtione, nova aggeritur seu damnata quædam materies, Puls scilicet viscosa, liquens, albidâ, cum aquâ miscibilis & in eâ fundum petens, quæ Pus dicitur. Sic suâ nativâ deperditâ indole peregrinum fit quòd antea erat corpori assimilatum, atque inde foràs extûre seu abscedere coactum, non malè Abscessus audit, nec perperam Hippocrates ab eoque Severinus & alii benè multi, Abscessum definiunt, *Recessum materiam nocivâ in quemdam locum*. Porro cùm in formando abscessu unus sit ille Naturæ finis, ut se se à pernicioso hoste vindicet, non sufficit ipsam ad quancumque partem recessisse materiam, si non corpore omnino & funditus excludatur. Ut enim lene aut benignum habeatur Pus, fermentum est non iradeses, ut diù & usquàm possit morari innoxium, quin è contrâ itâ faciliè actuosum est, ut si certâ quâdam copiâ abundet & alicubi diutius delitescat, partes quibus reconditur, crudelis sæpè & indomitus divexet hospes, improbam dispandat circumquâque labem, aut etiâ sanguini vel minimùm refluenndo, novâ iterùm sed funestiori tragœdiâ debacchetur. Expedi itaque Medicum tutiora & præstantiora cognoscere media, quibus citior fiat puris educio: sed cùm huic efficiendâ tarda sæpè lorent ut plurimùmque infausta Naturæ & Pharmacæ conamina, auxilio vocanda est Ars Chirurgica, quæ abscessus claustra reserando, damnatæ materici exitum præbeat: quâ vero ratione? quo modo? inter Cauterium & Ferrum ambigitur, moveatur hâc disputatione quæstio.

II

TRIA sunt quæ in omni consiciendâ operatione, tritissimo nec minùs valenti Adagio commendant omnes Medici & Chirurgi, & quæ etiâ in aperiendis abscessibus minimè contemnenda ducimus: hæc sunt, Aselepiade auctore, tribus concepta verbis: *tutè, citò, & jucundè*; Per hoc *tutè*, intelligimus partes itâ cautè, itâ prudenter esse tractandas, ut nullâ factâ inutili labe, irritatione, aut læsione quicquam, nullum malum addatur malo, & sic certius felicisq; succedat operatio; *citò vero & jucundè* ad instrumenta non minùs quàm ad manum operantis applicare est, si quidem his clarè præcipitur ea omnibus anteponenda esse, quæ promptius levamen cùm leviori dolore præstare valent.

Duo igitur hîc nobis attendenda veniunt: 1^o. partes corporis quæ vulgò sunt vacuandis abscessibus aperiendæ: 2^o. instrumenta quæ in iis aperiendis minorem cruciatum, citiorem opem possunt asserre. Jam verò ut ad omnes ferè abscessus attingendos, transadigenda semper sunt integumenta, non abs re sit de iis pauca quædam præmittere. Nullos certè fugi quàm molles & vivâ sensibus pareat cutis, quæ primum integumentorum, ipsum est generale exterib;que corporis involucrium, quod omnes ubique partes convellens triplici texturâ distinguitur; una Epidermis est seu Cuticula quæ squamosa, sensus expers, nullis irrigata vasculis, modò rarior, modò densior, externam corporis superficiem obtegit;

* Theodosi Author, anno 1762.

innumerisque concribillata porulis, transpirationi incerniculum præbet; altera Corpus Reticulare dicta, quidam veluti mucus est, reticuli ad instar dispositus, qui cuticulæ subtile & arctissime coherens, omnes nervorum papillas, mirâ mæandrorum implicatione convolvit; tertia denique Corium est, seu Dermo, Cutisvè propriè dicta, quæ fibris tendineis, extremisque vasorum & nervorum propagiibus contexta, exquisitissimo sensu donatur. Tandem succedit integumentorum secundum, Membrana Cellularis, quæ cuti subiecta, nihil aliud est quàm membrana partim vasculosa, partim fibris tenuissimis conflata, hic gracilis, ibi densa, angustiores, larioresvè cellulas efformans, in quibus pro variis partibus, majore vel minore copiâ fecernitur liquidum quoddam oleosum, pingue, butyraceum, Adeps nomine. His breviter notatis jam facile percipi potest quid ratione textus & tencritatis perpeti valeant aut ferre recusent integumenta; adeoque an Cauterio, an Ferro potius aut periculè fiat icienda, nunc in procinctu demonstrare est.

I I I.

CAUTERIUM, seu Pyroticum, genericè nuncupatur quod urendi vim habet sive Actu, sive Potentiâ. Si Actu eam vim exerat, Actuale; si Potentiâ, Potentiale dicitur. Primo nomine audiuntur ignitabula vel materiæ ignitæ omnes, quæ partes corporis præcisâ & ciusmodi concrematione dissolvunt, quoumque eò maior numerus & varietas est, quod nullum datur ex rebus inferioribus corpus, ut ait Severinus, ex quo non possit ignis elica parari: altero nomine intelliguntur medicamenta corrodentia seu Cautica quæcumque, ut sales lixiviales, alkalinæ, maxime acidi fossiles, metalla ipsi acidis ad crystallinam concremationem redacta, calx & alia infinita quæ sive inducâ quâdam cum corporis humoribus effervecentiâ, sive peculiari quâ possent colliquantur, lacerandi, consumendi facultate, tam solidorum quam fluidorum vitam & integritatem plus minùve dirimunt, escharas informando carniùm assatarum crustis non sanè dissimiles. Hæc & illæ autem, etiam si innumerâ dividantur specie, pauciora tamen in aperendis speciatim abscessibus vulgariter usurpantur; hæc sunt inter Actualia, Metalla Ardentia, præcipuè Ferrum; inter Potentialia, Lapis causticus, Butyrum Antimonii, quæ idcirco sola nunc in nostram mentionem incidunt. Metalli vel Ferri candentis effectus præcipui sunt istius: 1º. quod non simplici factâ diareesi, sed productâ semper substantiæ depreditione, partes solvat & aperiat; 2º. quod violentâ & præcipiti suâ actione torrendo, fulminis instar, ferventem & rapidam provocet nervi concussionem, proindeque vehementissimum dolorem determinat tamen loco & tempore concitit; 3º. quod circumstantes partes arcescendo, suis eas liquidis penitus exuat & vividâ corrugatione contrahat; 4º. denique, quod eandem languentes aut labefactas ad vitam & irritabilitatem nonnunquam impetuosâ vellicatione revocet. Distinguitur Lapis Causticus, Butyrum Antimonii, 1º. improperatâ, nec minis ardenti solidorum erosione, 2º. latius protractâ etiamque diuturniori irritatione nervorum, quam necessario concomitatur dolor assiduus, spasmus, febris, inflammatio, suppuratio larga, vel quandoque tota sanguinis depravatio: quibus omnibus ritè & ad amissum consideratis, jure concludimus, deleteria esse, imò inensurabili, vasculosis, nervosis paribus, ipsique speciatim integumentis cauteria, idèquæ non inconsideratè, non leviori ratione, sed in his tantum urgentibus casibus esse adhibenda, ubi occurrit vel laxitas, vel torpedio, vel sanies, vel humiditas nimia, vel infarctus, vel stupor, vel mors alicujus partis imminens, ut non sine fervido quodam impetu, possit extulcari: vis vitæ languida aut deficiens. *Cauterisatio*, inquit Avicenna, (a) est medicamentum valdè utile juvans ad prohibendum ne corruptio spargatur, & ad confortandum membrum cujus complexionem frigidam volumus rectificare. Aliàs (b) Fit cauterisatio in corporibus humidis ad exciscandam eam, & in carnis laxis ad indurandum eas, & calefaciendum corpora infirmitata, &c. Tales autem indicationes præbent Tumores, ut aiunt, frigidi, strumosi, fungosi, venenati, putridi, Bubones critici, maligni, pestilenciales, Suppurationes leniæ, Phlegmones cedematosi, Affectiones paralyticae, Gangræna, non omisi ossium Carie, cui delendæ quantum valeat ignis, nemo certè inficialis est. Notandum verò hic obiter in plerisque iis casibus sæpius anteponendum esse cauterium actuale, (c) cuius vis torrida, prout momentanea & terminata, tantò præstat lentæ & excruciantis causticorum actioni, quòd illa paucis est exitiosis eventibus obnoxia, diu ista effrenâ & incendiariâ suâ fœvitie, totam sæpè sanguinis massam perturbat, nec rarè ad extinctionem usque ægrotum, crudelissimos pandit effectus, putrâ nauseas, vomitus, tormina, dolores irrequietos, vigilias, convulsiones, deliria, quæ si morte non infre-

(a) Lib. 1.
Fen. 4. Doct.
5. cap. 79.

(b) Id. Can.
ricum part.
14.

(c) Fabric.
ab. Aquap.
op. chir. p. 1.
Aetius, lib.
12. cap. 25.

Marc. Au.
rel. Sev. Py.
rot. Chir.
lib. 1.

menter excipiantur, hoc certè nulli mirum esse debet. Quidam verò hæc subire ma-
lorum pericula, ubi totus est in magno abscessu morbus? ubi largæ affluens puris copia,
nihil aliud exigit quàm simplicem & promptam liquaminis distractionem. Quid hic quæro
aperiendo abscessui crudelis, terrifica ignis efficacia? quid longus & ardens canstico-
rum in morbus? An de est lenius aut promptius diæresis medium? An est de ejus efficaciâ
dubitandi ratio? Solvat ambiguum ferri comparatio:

I V.

FERRUM chirurgicè vocatur Lamella quæcumque ferrea, in exilissimam aciem te-
nuata, cujus ope partes corporis molles possunt præcisâ concisione diffindi, tales
sunt adaperiendis abscessibus, familiares apud Chirurgos lanceolæ, cultelli, forfices
quorum acies acuminatissima, ferrulæ tenuissimæ vices gerens, obvium quòdque quàm
minima fieri potest violentiâ & brevissimo dolore dividit. Sic diductâ tantum modò
uniti co hæsiōne, vulnus simplex, seu solutio continui recens efficitur, quæ nullâ com-
plicata partium alteratione facilè refarciri, coalescere, conglutinari potest. Sic subitò
peractâ scissione patitur dolori, parcitur partium integritati, ac tandem oculis pate-
factis abscessus latebris, opportunè & absque moræ periculo, educitur purulenta ma-
teries. His ferri dotibus conferantur nunc pyreticorum effectus, quid proderunt nisi
acerbos cruciatus, amplas partium destructiones, multi generis pericula? non omi-
tendo longiorem *escharra casum* & *seram partium destructionum restitutionem* * difficilem coa-
lescentiam, quam sæpè sequitur cutis difformitas. Hæc præter tanta cauterii utriusque in-
conmoda, unum ad caustica magis pertinet ad eaque avertenda maximè sufficit, quod
ex lege semper, semper lentâ agendi virtute, puris exitum retardent, adeoque ipsi vel
adaugendi vel resluidi tempore ansamque præbeant. Notissimum enim illud etiamque
verissimum axioma, *Pus Pure conficitur*. Undè jam de veterinariâ cantabatur Mantuanus
Poëta.

* *Mare, Au-
rit. Secer.
Chirurg. effi-
cac. Part. II.*

..... *Aliut vitium vivitque tegendo,
Dum medicas adhuc bene manus ad vulnera Pastor
Abnegat, & meliora Deos sedet omnia poscent.*

Sunt indè in magnis abscessibus maximè pertimescenda partis abscedentis colliquatio;
excidium, puris in putrilaginem conversio, vel in massam sanguineam resorptio, Metal-
tatis, &c. hæcque omnia à causticis, plurima ab igniferis, dum ferro tuta, cita, mihi
semper medicina; cedant ergò Aplotomix Pyrotica.

*Continuè culpam ferro compescet priusquam
Dira per incautum serpent contagia vulnus.*

Ubi igitur cessante inflammatione, vel internis vel externis, talis adnascitur tumor,
ut in umbonem elevatus, extenuato jam cacumine, vel aliis signis mollescere compe-
riatur, Abscessus maturus proindeque subitò aperiendus esse censeatur. Apprehenso
itaque dexterâ cultello, vernaculè *Bistouri*, incipiatur sectio à parte superiori mediâ
ad totam integumentorum spissitudinem, & secundum fibrarum rectitudinem, cautis vi-
delicet caverdis, intrepidè peragatur, ut cutis cæteraque involucria totâ tumoris lon-
gitudine exarentur, planèque parente abscessus fundo dehiscant. Si deinde ità excavatus
fuerit materiæ focus, ut possint quædam puris reliquiæ alicubi absconditè nidulari, vel
etiâ ità flaccida, aut aliundè morbosa apparuerint integumenta, ut difficilè cum carne
conglutinanda videantur, tun iteranda in crucis formâ discussio, quatuorque indè dari
anguli, forficibus refecari, absciendi debent, ut sic vulnus habeatur largum, ovale, lina-
mentis carptis, splenis, fascisque pro more medicandum.

V.

VERUM non levis momenti est adversans nobis Divi Senis auctoritas, qui passim de
thoracis & jecoris suppurati ulatione loquitur. Sed pace tanti Viri dixerim, fuit
illa antiquioris ævi barbariæ accommodata praxis, quâ inconluli mentis quam in experti
Majores, omnes ferè abscessus cauterio aperiiebant. Si magis forè quàm par est obso-
levit illa consuetudo, saltem fuit semper ab omnibus magnis abscessibus planè rejicienda,
nec quidem obflare debet Aretæi * aliàs commendatissimi ratio, qui ad aperiendos jec-
oris abscessus, ignem post habitâ scissione præcipit, ut inde profluvium sanguinis vel
hæmorrhagia coerceatur, quam ferro maximè pertimescendam esse prætendit: huic ap-
posito magis respondere non possumus quàm ipsis celeberrimi Boerhaavii commentato-

* *De cancro
& signis mor-
bor. diuturni
lib. 1. cap.
XIII.*

(a) Van-
Swieten com-
mentar. in
Aphor. Boer-
haav. Pathol.
1754. tom.
III. p. 115.

ris verbis (a) *Interim tamen videtur à sectione prudenter instituta non tantum Periculum esse lethalis hæmorrhagia, dum enim pertunditur talis abscessus, cultelli vel lanceolæ apex hæret in sacco pleno pure, quod removet ad magnam satis distantiam, membranam pus coercentem à visis suppositis. Præterea observata docent viscerum totam substantiam per abscessus purulentos quandocumque consumi absque ulla hæmorrhagiâ, licet maxima etiam vasa sanguinea adsint: & hæc ut probem exemplis, duabus confirmabo observationibus.*

Anno 1755, dum adhuc sub celeberrimo D. Morand, Avunculo carissimo, in Invalidorum Domo Chirurgiæ incumbere, occurrebat mihi tricenarius quidam miles nomine *Guede*, qui subito tussi violentâ, maximâ spirandi difficultate & penè suffocatione correptus, vomica subindè, seu pus lutulentum, putidissimum, pleno ore exspuebat. Erat ipsi insuper dolor gravans ad latus dextrum propè mamillam, inter quartam & quintam legitimam costam, ubi jam ab octo annis vulnus sclopetarium acceperat. Admotis digitis, persensu aliquam contenti liquidi fluctuationem, nec dubitavi quin ibi esset vomicæ focus. Suadente igitur & præsentè D. Morand, sectionem institui, quâ peractâ tam vehementer profudit pus, ut totus penè fuerim conspurcatus. Erat sanè foetoris intolerabilis materia, copiosiusque heminam superabar, sed factâ pro more medicatione cum victu aliquo lactis, planè intra viginti dies restituebatur æger. (b)

(b) Hinc ob-
servandum
est non sem-
per ad lute-
ram esse lu-
mend. Hipp.
lib. 47, sect.
VII. Cose.
per tot. sect.
II. No. 409.

Anno 1759, mense Martis ineunte, adveniebat in Nosocomium Adjacentis æger quidam & Helvetus miles, *Brack*, qui ab uno vel altero mense, istero laborabat; huic febris nulla, sed dolor aderat lateris lancinans, quo hepaticum formari maxime suspicabar; applicato idè cataplasmate resolvente, post exactum mensem, die scilicet 3. Aprilis, dolor evasit; palpati interim an factus fuisset abscessus, obvius mihi fuit quidam, sed obscurus latentis & renitentis fluidi sensus; advocatis idè in crassimam lucem pluribus in exercitu Chirurgis, jussi Aploptomiam esse instituendam, etiamsi refragarentur omnes, abscessumque esse negarent. Manus admovebat D. Romand Chirurgus Nosocomii primarius, qui primâ tentatâ punctione, cum videret nihil aliud prodire quàm longum aeris sibilum, me credidit in errorem adductum, instante me tamen ulterius perrexit, ac impresso profundius cultello, inter ultimam legitimam & primam spuriam costam, largâ factâ sectione, duas circiter libras puris amurcoli fetentissimi & spississimi

(c) Vide.
Not. sup.

(c) eduxit maximo ægri solatio; intromittebatur per aliquot dies turunda aliqua mollis, quâ apertus teneretur materiæ exitus, alii intra quindecim dierum spacium, tam perfecte exsiccabatur ulcus, ipso jam coalescente vulnere, ut cum medio Aprili, castris mutatis, Calvicium appellaremus, Chirurgus præcipuus exercitus D. Brion, qui, nescio quâ ratione dubitans de ulceris exsiccatione, me absente, denudè aperuerat vulnus, nihil quidquam in eo purulentum inveniret. Obvenerunt mihi multi alii casus quos hic adhuc possem subiungere, si non ii sufficerent ad stabiliendam ferri laudem; superfederunt itaque, futile mittendo rationem eorum qui, pavescentibus ferrum ægrotis, cautico quandoque obsecundandum volunt. Misceream imprudentium qui temeraria & perniciose sectantur, sed prudentibus semper suadeamus optimum. *Debet id quod doctorem facit, quam minimo tempore adesse, quod fiet celeriter administratâ sectione (d).*

(d) Hipp. lib.
de Medico,
lib. I.

Ergo magni abscessus ferro, non cauteriis, aperienti.

DOMINI DOCTORES DISPUTATURI.

M. Claudius-Franciscus DU
CHANOY, Rei Obſetriciæ
Profeſſor designatus, à Regiâ
Scientiarum Academiâ Di-
viniſe.

M. Joannes-Matheus DE
FRASNE.

M. Nicolaus JEANROUX, Regiâ
Medicorum Collegii Nan-
ciaſianorum Socius honorariuſ.

M. Joannes-Baptiſta BAI-
GNÈRES.

M. Joannes-Baptiſta JUME-
LIN.

M. Achilles-Guſtavius LE
BEGUE DE PRESLE, Eques
& Cenſor Regiuſ.

M. Alphoſuſ-Vincenſiuſ-Lu-
dovicuſ-Antoniuſ LE ROY.

M. Joannes-Caroluſ DE BRO-
TONNE.

M. Caſar COSTE, Cenſor Re-
giuſ.

Proponebat Pariſiſ RENATUS LOUCHE-DESFONTAINES, Rhedonenſiſ, Doctor
Medicuſ Remenſiſ, necnon Saluberrimæ Facultatiſ Medicinæ Pariſienſiſ
Baccalaureuſ. A. R. S. H. 1782. AB OCTAVA AD MERIDIEM.

Typis QUILLAW, Universitatis & Facultatis Medicinæ Typographi. 1782.